

原本
影印

杜詩詳註

埽葉山房發行

杜文集註卷二十五

翰林院編修臣仇兆鰲評釋

爲閬州王使君進論巴蜀安危表

廣德元年作

臣某言伏自陛下平山東收燕薊泊

一作自

海隅萬里百姓

感動喜王業再康

一作造

瘡痍蘇息陛下明聖社稷之靈以

至於此然河南河北貢賦未入江淮轉輸異於曩時惟獨

劍南自用兵以來稅斂則殷部領不絕瓊林諸庫仰給最

多是蜀之土地膏腴物產繁富足以供王命也近者賊臣

惡子頻有亂常巴蜀之人橫被煩費猶自勸勉充備百役

不敢怨嗟吐蕃今下松維等州

朱鶴齡注事在廣德元年

成都已不安

矣楊琳師再脅普合

朱注楊琳即楊子琳通鑑永泰元年瀘州牙將楊子琳舉兵討崔旰此云

再脅普合其事未詳唐書普合二州俱屬劍南道

顯顯一作顯顯

兩川不得相救百姓

騷動未知所裁况臣本州山南所管初置節度庶事草創

豈暇力及東西兩川矣

朱注閬州舊書通典通志俱屬劍南東道新書屬山南西道此云本

州山南所管與新書合唐書方鎮表廣德元年升山南西道防禦守捉使為節度使尋降為觀察使領梁洋集壁等十三州伏願陛下聽政之餘料巴蜀之理亂審救援之

得失定兩川之異同問分管之可否度長計大速以親賢

出鎮哀罷

音疲

人以安反仄犬戎侵軼羣盜窺伺庶可遏矣

而三蜀大

一作天

府也徵取萬計陛下忍坐見其狼狽哉不

卽爲之臣竊恐蠻夷得恣屠割耳實爲陛下有所痛惜必

以親王委之節鉞此古之維城盤石之義明矣陛下何疑

哉在選一作近擇親賢加以醇厚明哲之老爲之師傅則萬

無覆敗之跡又何疑焉其次付重臣舊德智略經久舉事

允愜不隕獲於蒼黃之際臨危制變之明者觀其樹勲庸

一作獸於當時扶泥塗於已墜朱注今本之際以下二十三

整頓理體竭露臣節必見方面小康也今梁州旣置節度

與成都足以久遠相應矣東川更分管數州於內幕府取

給破弊滋甚若兵馬悉付西川梁州益坦爲聲援是重斂

之下免出一作至多門西南之人有活望矣朱注東川與山

南接壤山南旣

增節度東川兵馬便可并付西川減省幕府繁費高適奏請罷東川節度以一劍南西山不急之城稍以減削意亦

與公必以戰伐未息勢資多軍應須遣朝廷任使舊人授同也

之使節畱後之寄綿歷歲時非所以塞衆望也朱注時章梓州爰爲

東川畱後故云臣於所守封一作分界連接梓州正可爲成都東鄙

其中別作法度亦不足成要害哉徒擾人矣伏惟明主裁

之勅一作又天下徵收赦文減省軍用外諸色雜賦名目伏

願省之又省之一本省之俱作損之劍南諸州亦困一作因而復振矣

將相之任內外交遷西川分閩一作壺以仗賢俊愚臣特望

以親王總戎者意在根固流長國家萬代之利也敢輕易

而言次請慎擇重臣亦願任使舊人鎮撫不缺借如犬戎

俶擾臣素知之臣之兄承訓自沒蕃以來長望生還僞親

信於贊普

註見詩集

探其深意意者報復摩彌青海之役決矣

朱注唐書鄯州

註度西月河一百十里至多彌國摩彌疑卽多彌青海註見詩集

同謀誓衆於前

後沒落之徒曲成翻動陰合應接積有歲時每漢使回蕃

使至帛書隱語累嘗懇論臣皆封進上聞屢達臣兄承訓

憂國家緣邊之急願亦勤矣况臣本隨兄在蜀向二十年

兄旣辱身蠻夷相見無日臣比未忍離蜀者望兄消息時

通所以戮力邊隅累踐班秩補拙之分淺待罪之日深蜀

之安危敢竭聞見臣子之義責有所盡於君親愚臣迂濶

之說萬一少裨聖慮遠人之福也愚臣之幸也昨竊聞諸

道路云

一無吐蕃已來草竊岐隴逼近咸陽

唐書廣德元年七月吐蕃

入大震關八月

寇奉天武功

似是之間憂憤隕迫益增尸祿寄重之懼

寤寐報効之懇謹冒死具巴蜀成敗形之

一作

勢奉表以聞

爲夔府柏都督謝上表

柏都督注見詩集

臣某言伏見月日制授臣某官祇拜休命內顧隕越策驚馬之力冒累踐之寵自數勲力萬無一稱再三怵惕流汗至踵謹以某月日到任上訖臣某誠戰誠懼頓首頓首死罪死罪伏以陛下君父任使之久掩臣子不逮之過就其小效復分溪憂察臣劍南區區恐失臣節如彼加臣頻煩一作繁階級鎮守要衝如此勉勵疲鈍伏揚陛下之聖德愛

惜陛下之百姓。先之以簡易。

音開

之以樂業。均之以賦斂。

終之以敦勸。然後畢禁。將士之暴。弘治主客之宜。示以刑

典。難犯之科。寬以困窮。計無所出。哀今之人。庶古之道。內

救惇獨。外攘師寇。上報君父。曲盡

一作蓋

庸拙之分。下循臣

子勤補失墜之目。灰粉骸骨。以備守官。伏惟恩慈。胡忍容

易。愚臣之願也。明主之望也。限以所領。未遑謁對。無任兢

灼之極。謹遣某官奉表陳謝。以聞。臣誠喜誠懼。死罪死罪。

爲補遺薦岑參狀

宣議郎試大理評事攝監察御史賜緋魚袋岑參右臣等

竊見岑參識度清遠。議論雅正。佳名蚤立。

一作上

時輩所仰。

今諫諍之路大開。獻替之官未備。恭惟近侍實藉茂材。臣等謹詣閣門奉狀陳薦以聞。伏聽進止。

至德二載六月十二日左拾遺內供奉臣裴薦等狀

左拾遺內供奉臣杜甫

左補闕臣韋少游

右拾遺內供奉臣魏齊暉

右拾遺內供奉臣孟昌浩

奉謝口勅放三司推問狀

〔本傳〕甫與房琯爲布衣交。琯以客董庭蘭罷宰相。甫

上疏言罪細不宜免大臣。帝怒。詔三司推問。宰相張鎰救之。得解。〔朱按〕〔唐書〕韋陟除御史大夫。會杜甫論房琯詞意迂慢。帝令陟與崔光遠顏真卿按之。陟奏甫言雖狂不失諫臣體。帝由是疎之。觀此則當時論

救者不獨
一 張鎬矣

右臣甫智識淺昧向所論事涉近激訐違忤聖旨既下有
司具已舉劾甘從自棄就戮爲幸今日已時中書侍郎平
章事張鎬奉宣口勅宜放推問知臣愚戇赦臣萬死曲成
恩造再賜骸骨臣甫誠頑誠蔽死罪死罪臣英華有比字以陷
身賊庭憤惋成疾實從間道獲謁一作面龍顏猾逆未除愁

痛難遏猥廁衮職願少裨補竊見房琯以宰相子

朱注琯父融相

武后唐書宰相表長安四年十月懷州長史房融爲正
諫大夫同鳳閣鸞臺平章事中宗卽位除名流高州少

少

自樹立晚爲醇儒有大臣體時論許琯必位至公輔康濟
元元陛下果委以樞密衆望甚允觀琯之深念主憂義形

於色况畫一保泰其素所蓄積者已而瑄性失於簡酷嗜

鼓琴董庭蘭今之琴工朱注唐劉商胡笳曲序蔡文姬善琴能為離鸞別鶴之操後董生以

琴寫胡笳聲為十八拍今胡弄是也李肇國史補董庭蘭善沉聲視聲蓋大小胡笳云遊瑄門下有

日貧病之老依倚為非瑄之愛惜人情一至於玷汙臣不

自度量度音鐸量音良歎其功名未垂而志氣挫衄覬望陛下棄

細錄大所以冒死稱述何思慮未英華作未集作始竟闕於再三

陛下貸以仁慈憐其懇到不書狂狷之過復解網羅之急

是古之深容直臣勸勉來者之意天下幸甚天下幸甚豈

小臣獨蒙全軀就列待罪而已無任先懼後喜之至謹詣

閣門進狀奉謝以聞至德二載六月一日宣議郎行在一本

無在字

左拾遺臣杜甫狀進

錢謙益曰朱長文琴史云董庭蘭隴西人唐史謂其爲房瑄所昵數通賕謝爲有司劾治而房公由此罷去杜子美亦云庭蘭遊瑄門下有日貧病之老依倚爲非瑄之愛惜人情一至於玷汙而薛易簡稱庭蘭不事王侯散髮林壑者六十載貌古心遠意閒體和撫弦韻聲可感鬼神天寶中給事中房瑄好古君子也庭蘭聞義而來不遠千里予因此說亦可以觀房公之過而知其仁矣當房公爲給事中也庭蘭已出其門後爲相豈能遽絕哉又賕謝之事吾疑譖瑄者爲之而庭蘭朽耄豈能辯釋遂被惡名耳房公貶廣漢庭蘭詣之公無愠色唐人有詩云七條絃上五音寒此樂求知自古難惟有開元房太尉始終留得董庭蘭按薛易簡以琴待詔翰林在天寶中子美同時人也其言必信伯原琴史千載而下爲庭蘭雪此惡名白其厚誣不獨正唐史之謬兼可以補子美之闕矣

爲華州郭使君進減殘寇形勢圖狀

右臣竊以逆賊東身檻中奔走無路尚假餘息蟻聚苟活

之日久

朱注通鑑至德二載冬十月廣平王入東京安慶緒走保鄴郡諸將阿史那承慶等散投常山趙郡

旬日間蔡希德自上黨田承嗣自潁川武令珣自南陽各帥所部兵歸之又召募河北諸郡人衆至六萬軍聲復振

陛下猶覲其匍匐相率降欵盡至廣務寬大之本用明惡

鳥故切

殺之德故大軍雲合蔚然未進上以稽王師有征無

戰之義下以成古先聖哲之用心茲事玄遠非愚臣所測

臣聞易載隨時不俟終日先王之用刑也抑亦小者肆諸

市朝大者陳諸原野今殘孽雖窮感日甚自救不暇尚慮

其逆帥望秋高馬肥之便蓄突圍拒轍之謀大軍不可空

勤轉輸之粟諸將宜窮犄角之進頃者河北初收數州思

明降表繼至

朱注通鑑至德二載十二月史思明囚阿史那承慶等遣其將賓子昂奉表以所部十三

州及兵八萬來降并帥其河東節度使高秀巖以所部來降思明以其將薛萼攝恒州刺史子朝義攝冀州刺史以其將令狐彰為博州刺史烏承恩所至宣布詔旨滄瀛安漢德棣等州皆降雖相州未下河北率為唐所有矣

為平盧兵馬在賊左脅

朱注唐書方鎮表開元五年營州置平盧軍使七年升為平盧軍節

度通鑑至德二載安東都護王玄志與平盧將侯希逸襲殺偽平盧節度徐歸道又遣兵馬使董秦將兵以葦筏度海與大將田神功擊平原樂安下之平盧在幽燕之東故曰左脅

賊動靜乏

一作

利制不

由己則降附可知今大軍盡離河北逆黨意必寬縱若萬

一軼畧河縣章竊秋成臣伏請平盧兵馬及許叔冀等軍

據下三段各以等軍為句此處軍字下當有從字

從鄆州西北渡河

朱注唐書鄆州隋東平郡

之須昌縣屬河南道通鑑至德二載七月靈昌太守許叔冀為賊所圍救兵不至拔眾奔彭城乾元元年八月以青

登等五州節度使許叔冀為滑濮等六州節度使公作狀時叔冀尚未鎮滑濮故欲從鄆州也

朱注唐書魏州漢魏郡元城縣地屬河北道時為安慶緒所據或近軍志避實擊虛之義

也伏惟陛下圖之遣李銑殷仲卿孫青漢等軍朱注李銑土元初領

淮西節度副使殷仲卿上元初自青州刺史領淄沂滄德棣等州節度使孫青漢無考

之收其貝博朱注唐書貝州隋清河郡博州隋武陽郡之聊城縣俱屬河北道賊之精銳

撮在相魏衛之州朱注唐書相州漢魏郡衛州隋汲郡俱屬河北道賊用仰魏而

給賊若抽其銳卒渡河救魏博臣則請朔方伊西北庭等

軍朱注通鑑乾元元年八月朔方節度使郭子儀詣行營三月鎮西北庭行營節度使李嗣業屯河內渡

沁水沁水在澤州收相衛賊若迴戈距我兩軍朱注謂郭子儀李嗣業之軍

臣又請郭當作郭音廓口祁縣等軍朱按唐書祁縣屬代郡都督府祁口疑在其境通鑑

注 鄆口在洛州邯鄲縣西蓋卽壺關之險也舊書鄆口在
相州西山 祁縣本漢縣屬并州太原府 時李光弼爲

河東節度使王思禮兼領澤潞節度 驀音麥 嵐風馳朱云或作驀嵐

使 鄆口祁縣等軍當指二鎮之兵也 風馳一作驀嵐馳一作驀山 屯據林慮縣界朱注唐書嵐州本隋樓煩

郡之嵐城縣屬河東道 候其形勢漸進又遣季廣琛魯
林慮卽漢隆慮縣屬相州

吳等軍朱注時季廣琛爲鄭蔡節度使魯吳爲淮西節度使進渡河收黎陽臨河等

縣朱注唐書黎陽屬衛州臨河縣析黎陽置屬相州相與出入犄角逐便撲滅則

慶緒之首可翹足待之而已是亦恭行天罰豈在一有王

師必無戰哉愚臣聞見淺狹承乏待罪未精慎固之守輕

議擒縱之術抑臣之夢寐貴有裨補謹進前件圖如狀伏

聽進止乾元元年七月日某官臣狀進

鰲按杜公借箸前籌洞悉情勢此等文字真可坐而言起而行者初非書生談兵迂濶也與韓昌黎論淮西事宜俱推經國有用之文

乾元元年華州試進士策問五首

朱注唐六典諸州每歲貢人其進士

帖一小經及老子試雜文兩首策時務五條時公貶華州司功參軍

問英華有古之二字山林藪澤之地各以肥磽多少為差初宜切故

供甲兵士徒之役府庫賜予上聲之用給郊廟宗社一作郊社宗廟

之祀奉養祿食之出辯乎名物存乎有司是謂公賦知歸

地著涉畧切不撓者已今聖朝紹宣王中興之洪業於上庶

尹備山甫補袞之能事於下而東寇猶小梗朱注謂安慶緒末年率

土未甚闢總彼賦稅之獲盡贍軍旅之用英華有逮字是官御